

Headlines

1. मुख्मन्त्री उमर अब्दुल्ला होरें अज्ज श्रीनगर च इक रोजा शिक्षा सम्मेलन गी संबोधित कीता, अध्यापकें गी आखेआ जे ओहू विद्यार्थिं गी बदलदे समें दे कन्नै राश्ट्र निर्माण गितै तैयार करन।
2. केंद्री मंत्री डा. जितेंद्र सिंह होरें उधमपुर जिले च प्रधानमंत्री ग्राम शिड़क योजना दे चाँथे गेड़ तैहत 1 करोड़ 10 लख रुपे कोला मती दिएं शिड़क परियोजनाएं दा एलान कीता।
3. शोपियां ते पुलवामा च चलाए गेदे तुपाई अभियानें दरान आतंकवादिं दे 6 मददगार ते 2 संदिग्ध फगड़े गे, भारी मात्रा च थेआर ते गोला-बरूद बरामद।
4. साम्बा जिले च बना'रदे इक फ्लाईओवर दे बीम हेठ आइयै 1 जने दी मौत, 1 जख्मी।
5. ईद-ए-मिलाद ते रक्खड़ी कोलापैहले समूलचे जम्मू प्रांतै दे बजारें च रौनक ते खुशी दा म्हौल।

<><><><><><>

CM-Education

मुख्मन्त्री उमर अब्दुल्ला होरें अज्ज श्रीनगर च जम्मू-कश्मीर टीचर्ज फोरम आसेआ आयोजित इक रोजा शिक्षा सम्मेलन गी संबोधित कीता। इस सम्मेलन च शिक्षा क्षेत्र कन्नै जुडे दे प्रमुख विशें पर बचार बटांदरा करने लेई केई शिक्षाविद, अध्यापक ते नीति निर्धारित शामिल होए। इस मौके बोलदे होई मुख्मन्त्री होरें अध्यापकें गी आखेआ जे ओहू विद्यार्थिं गी नमिं तकनीकें कन्नै लैस करन ते उनेंगी हुनरमंद बनान तां जे ओहू भविष्य च सखल्ले अपने पैरें पर खड़ोई सकन ते औने आहले समें च जम्मू-कश्मीर सने पूरे मुख्मन्त्री दे विकास च अपना योगदान देने दे काबल बनी सकन। उमर अब्दुल्ला होरें अध्यापक सामुदायिक दिएं सबनें दिक्कतें-चिंताएं गी दूर करियै उंदे सशक्तिकरण लेई साकार दे धेइए गी फही पक्का कीता।

<><><><><><>

Udh. Projects

केंद्री मंत्री डा. जितेंद्र सिंह होरें उधमपुर जिले लेई प्रधानमंत्री ग्राम शिड़क योजना दे चाँथे गेड़ दे पैहले बैच तैहत 2026-27 बरे लेई 1 अरब 10 करोड़ 80 लख 49 जहार रुपे दी लागत आहिलियें केई ग्रामीण सड़क परियोजनाएं दी घोशणा कीती ऐ। इनें परियोजनाएं च जिले दे रामनगर, जगानू ते चनैनी ब्लॉकें गी कवर कीता जाहग ते एहदा मकसद जिले दे दूर-दरडे ते पहाड़ी इलाकें धोड़ी सखल्ला सड़क राबता यकीनी बनाना ऐ। मंजूर कीते गेदे सड़क प्रोजेक्टें दी लम्बाई डेढ किलोमीटर कोला लेइयै करीब 8 किलोमीटर तगर दी ऐ यानि सबनें गी घट्ट लम्बाई आहली परियोजना डेढ किलोमीटर ते सारें शा लम्मी लगभग 8 किलोमीटर दी ऐ ते इंदे च चनूता खास कोला लेइयै नगरौटा पंजग्राई ते मनताला कोला लेइयै सीरा तगर सड़क परियोजना बी शामिल ऐ। इनें प्रोजेक्टें च जाया पराने प्लास्टिक गी इस्तेमाल करने आहली तकनीक दा इस्तेमाल कीता जाहग। एहदे पर मकामी लोकें दा आखना ऐ।बाईट.....

<><><><><><>

Terror-Associates Apprehended

शोपियां जिले दे हीरपोरा ते इलाकें च चलाए गेदे दो सांझे तुपाई अभियानें च सुरक्षाबलें 6 लोकें गी गिरफ्तार कीता ऐ जेहडे मन्नेआ जा'रदा ऐ जे आतंकवादिं दे मददगार न। एह कार्रवाई शोपियां पुलस, फौज ते सी.आर.पी.एफ आसेआ सांझे तौरा पर चलाया गेआ। इनें कार्रवाईं दरान त्रै हथगोले, ए.के-47 दियां दऊं मैगजीनां, 20 रौंद गोलियां ते किश होर आपत्तिजनक सामग्री बी बरामद कीती गेई ऐ। अधिकारिं दस्सेआ जे एह कार्रवाई, हासल खुफिया जानकारी दी बिनाह पर कीती गेई ऐ। इस सरबंघे च एफ.आई.आर दर्ज करियै अग्रे दी कार्रवाई ते पुच्छ-पड़ताल कीती जा'रदी ऐ ते इस बारे होर ब्यौरे गी बलगेआ

जा'रदा ऐ। तोआई, पुलवामा जिले दे राजपोरा इलाके च सी.बी नाथ ग्रांS कश यारवां जांगली इलाके थमां थेआर ते गोली-बरूद बरामद कीता गेआ ऐ जेह्दे च इक पस्तोल, हथगोले ते कारतूस शामिल ना।

<><><><><><>

Arms-Recovered

तोआई, बारामूला जिले च सोपोर दे मंजसीर इलाके च चलाए गेदे इक सांझे तुपाई अभियान दरान सुरक्षाबलें थेअरा-असला ते गोलीबरूद बरामद कीता ऐ। इक टकोह्दी सूह दी विनाह पर कार्रवाई करदे होई भारती फौज, सी.आर.पी.एफ ते जम्मू-कश्मीर पुलिस किट्टे रलियै इक तुपाई अभियान चलाया। जिस दरान उस इलाके थमां इक ए.के.रफल, 3 मैगजीनां, 4 ग्रेनेड ते बड़ी बद्द गिनतरी च गोलियां ते लड़ाई च इस्तेमाल होने आह्ला होर दुआ समेयान बरामद कीता गेआ। इक सोशल मीडिया पोस्ट च फौज दी चिनार कोर नै इस बरामदगी दी तस्दीक कीती ऐ ते दस्सेआ ऐ जे कार्रवाई अजें जारी ऐ ते होर ब्यौरे गी बलगेआ जा'रदा ऐ।

<><><><><><>

Flyover-Accident

साम्बा जिले दे विजयपुर च जख दे कोल राश्ट्री जरनैली शिडक पर इक निर्माणधीर फ्लाईओवर पर इक दुखद हादसा पेश आया ऐ। उत्थें निर्माण दा कम्म चलदे बेल्लै ढांचे दा इक हिस्सा ढहेई पेआ। हादसे च इक कर्मचारी दी मौत होई गेई ते दुए गी सट्ट लग्गी गेई। हादसे बारै मीडिया कन्नै गल्लबात करदे होई एन.एच.ए.आई दे प्रोजेक्ट डरेक्टर राजीव कुमार होरें दस्सेआ

तोआई, जम्मू शैहरा दे सिद्धड़ा इलाके च बी इससै चाल्ली दी इक घटना च सिद्धड़ा पुल दे कश इक निर्माणाधीन फ्लाईओवर दा किश हिस्सा ढहेई पेआ जेह्दे करी इक मजदूर जख्मी होई गेआ। जख्मी मजदूर दा इलाज जम्मू दे सरकारी मेडिकल कालेज ते अस्पताल च चला'रदा ऐ।

<><><><><><>

Market-Abuzz

औंदी 28 अगस्त गी रक्षाबंधन दा त्यौहार ऐ ते इस ध्याड़े दी तैयारियें आस्तै जम्मू शैहरा दे बक्ख-बक्ख बजारें च रौनकां लग्गी दियां ना। लोक मठेआइयां, तोहफे ते रखडियां खरीने आस्तै बजारें च जा'रदे ना। परोआर समारोह दी तैयारियें आस्तै अपने लेई लोडचदी हरेक चीज खरीदा करदे ना। दुकानदारें बी त्यौहार सरबन्धी बक्ख-बक्ख चीजां जमा करी लैतियां न ते ओहू औने आह्ले किश दिनें च अच्छे कारोबार दी मेद करा'रदे ना। बच्चें आस्तै रक्षाबंधन दा ध्याड़ा खास होंदा ऐ कीजे उनें इस रोज गुडियां डोओआनियां होंदियां न ते ओहू एह्दे लेई गुडियें-पतंगें दी जमिम्मयै खरीददारी करा'रदे ना।

<><><><><><>

Poonch-Festivals

कल इक्के रोज ईद-उन-नबी ते छड़ी मुबारक दे जलूस गी दिक्खदे होई पुंछ च धार्मिक समूहें नमें समें ते रस्ते गी सांझा कीता ऐ तां जे दौनें जलूसें गी सुचारू तरीके कन्नै चलाया जाई सकै। इक संवाददाता सम्मेलन दच जमात-ए-अहले सुन्नत ते केंद्री मिलाद कमेटी नै आखेआ जे एहू योजना कुसै बी चाल्ली दे टकराव थमां बचने लेई कीती गेदी ऐ। जामिया मस्जिद पुंछ दे इमाम मौलवी फारूक मिस्वाही होरें दस्सेआ जे बक्ख-बक्ख इलाकें थमां श्रद्धालु लौहके जलूसें च पुंछ औडन। मस्जिद कमेटियें गी खास समां ते वैकल्पिक रस्ते दितते गे ना। उनें सबनें गी सहयोग करने, हालात गी रमानदारी आह्ला ते बवस्थित रखने ते सहयोग योजनाएं पर कायम रौहने लेई आखेआ। उनें आखेआ

<><><><><><>

Shops-Sealed

जम्मू नगर निगम नै अज्ज जम्मू दे इंदिरा चौक च 46 हट्टियां सी करी दित्तियां कीजे दुकानदारें चऊं बरें शा मते समें थमां किराया नेई दिते दा हा। जेएमसी दे डिप्टी कमिशनर नार्थ संजय बडयाल होरें आखेआ ऐ जे दुकानदारें गी बार-बार नोटिस भेजे गे हे जिंदे च अप्रैल ते मई महीने दे अखीरी नोटिस बी शामिल ना। उनें दस्सेआ जे इनें हट्टिएं दा हर महीने किराया तरीबन 700 शा 800 रपे ऐ जिसलै के किश पर इक लक्ख रपे कोला बी मता बकाया ऐ। कार्रवाई दे बाद दकानदारें नियमित भुगतान

करने दा बायदा कीता ते बकाए दा किश हिस्सा अगेत्रे भुगतान करने पर राजी होई गो। बडयाल होरें आखेआ जे जेएमसी कमिशनर होरें दुकानदारें दे अनुरोध पर गौर करदे होई सील कीती गेदी हट्टिएं गी अज्ज परतियै खोली दित्ता यकीन दोआया जे सील कीती गेदी हट्टिएं गी अज्ज परतियै खोली दित्ता जाह्ग। आकाशवाणी समाचार कन्नै गल्ल करदे होई जेएमसी दे डिप्टी कमिशनर नार्थ संजय बडयाल होरें आखेआ

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ 26 अगस्त बुधवार गी दपैह्नी साड्डे 12 बजे 'महिला समानता दिवस' दे मौके पर 30एं मिंटें दी इक विशेष परिचर्चा प्रसारित कीती जाह्ग। एह्दा विशेसार होग "बदलाव दी अगुवाई करदे होई महिलाएं आसेआ इक टिकाऊ भविक्ख गी आकार देना"। इस कार्यक्रम च स्हाडे खास मेहमान होङन जम्मू-कश्मीर हाई कोर्ट दियां सीनियर एडवोकेट अलीशा कोहली, जेहिडयां इस विशे पर अपने माहिराना बचार सांझा करङन। इस कार्यक्रम दी मेजबानी न्यूज एंकर श्रुति खजूरिया आसेआ कीती जाह्ग।

<><><><><><>